

Broj: 03-02-1348/2023
Sarajevo, 22.10.2024. godine

PARLAMENT FEDERACIJE
BOSNE I HERCEGOVINE

- Predstavnički dom -
gosp. Dragan Mioković, predsjedavajući
- Dom naroda -
gosp. Tomislav Martinović, predsjedavajući


Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), **u prilogu Vam dostavljam AMANDMAN NA PRIJEDLOG ZAKONA O UNUTRAŠNJOJ TRGOVINI**, koji je utvrdila Vlada Federacije Bosne i Hercegovine na 128. hitnoj sjednici, održanoj 21. i 22.10.2024. godine.

Amandman Vlade Federacije Bosne i Hercegovine postaje sastavni dio Prijedloga zakona o unutrašnjoj trgovini, koji sam u parlamentarnu proceduru, radi razmatranja i usvajanja, dostavio aktom broj: 03-02-1348-1/2023 od 13.09.2024. godine.

Amandman se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: FEDERALNO MINISTARSTVO TRGOVINE
gosp. Amir Hasičević, ministar

Na osnovu člana 73. Poslovnika o radu Vlade Federacije BiH – prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), Vlada Federacije Bosne i Hercegovine je na 128. hitnoj sjednici, održano 21. i 22.10.2024. godine, utvrdila

AMANDMAN NA PRIJEDLOG ZAKONA O UNUTRAŠNJOJ TRGOVINI

AMANDMAN I

U članu 18. Prijedloga Zakona o unutrašnjoj trgovini iza stava (9) dodaju se novi stavovi (10) i (11), koji glase:

(10) Iznimno, na prijedlog gradskog/općinskog vijeća Vlada Federacije Bosne i Hercegovine može donijeti odluku kojom se određuje da prodajni objekti na teritoriji grada/općine mogu biti izuzeti od odredbi stavova (1), (2) i (3) ovog člana.

(11) Prijedlog iz stava (10) ovog člana dostavlja se Vladi Federacije Bosne i Hercegovine putem Federalnog ministarstva trgovine.


OBRAZLOŽENJE

Vlada Federacije Bosne i Hercegovine smatra da je potrebno dodati novi stav (10) člana 18., kojim se ostavlja mogućnost gradskom/općinskom vijeću za podnošenja prijedloga Vladi Federacije BiH za donošenje odluke kojom se određuje da prodajni objekti na teritoriji tog grada/općine mogu biti izuzeti od primjene odredbi stavova (1), (2) i (3) istog člana.

Osnovni cilj ovog amandmana jeste da omogući gradskom/općinskom vijeću da, uvažavajući eventualne specifičnosti u oblasti trgovine na području lokalnih zajednica, podnese prijedlog Vladi Federacije BiH za donošenje odluke kojom se određuje da prodajni objekti na teritoriji grada/općine mogu biti izuzeti od odredbi stavova (1), (2) i (3) ovog člana. Odluke koje se tiču radnog vremena mogu varirati zavisno o specifičnim potrebama lokalnih zajednica. Nakon podnošenja prijedloga, Vlada Federacije BiH je isključivo ovlaštena da donese odluku o eventualnom izuzeću od primjene stavova (1), (2) i (3) člana 18. Neophodno je da donošenje ovakve odluke bude isključivo diskreciono pravo Vlade FBiH, koja će uzeti u obzir stavove svih zainteresovanih strana kako bi se postigao optimalan ishod, što će u konačnici dovesti do harmonizacije regulative u oblasti trgovine na teritoriji Federacije BiH.

Stav (11) člana 18. je potrebno dodati u cilju preciziranja procedure na koji način i putem kojeg organa se vrši podnošenje prijedloga iz stava (10) istog člana.

V. broj: 1627/2024
22.10.2024. godine
Sarajevo



Broj: 03-02-1348/2023
Sarajevo, 21.10.2024. godine

PARLAMENT FEDERACIJE
BOSNE I HERCEGOVINE

- Predstavnički dom -
gosp. Dragan Mioković, predsjedavajući
- Dom naroda -
gosp. Tomislav Martinović, predsjedavajući

PREDMET: Veza naš akt broj: 03-02-1348-1/2023 od 13.09.2024. godine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **AMANDMANE NA PRIJEDLOG ZAKONA O UNUTRAŠNJOJ TRGOVINI**, koje je utvrdila Vlada Federacije Bosne i Hercegovine na 128. hitnoj sjednici, održanoj 21.10.2024. godine.

Amandmani Vlade Federacije Bosne i Hercegovine postaju sastavni dio Prijedloga zakona o unutrašnjoj trgovini, koji sam u parlamentarnu proceduru, radi razmatranja i usvajanja, dostavio aktom broj: 03-02-1348-1/2023 od 13.09.2024. godine.

Amandmani se dostavljaju na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: FEDERALNO MINISTARSTVO TRGOVINE
gosp. Amir Hasičević, ministar

Na osnovu člana 73. Poslovnika o radu Vlade Federacije BiH – prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), Vlada Federacije Bosne i Hercegovine je na 128. hitnoj sjednici, održanoj 21.10.2024. godine, utvrdila

AMANDMANE NA PRIJEDLOG ZAKONA O UNUTRAŠNJOJ TRGOVINI

AMANDMAN I

U članu 3. Prijedloga Zakona o unutrašnjoj trgovini u stavu (1) u tački h) iza riječi „prodajni objekat“ briše se riječ „(štant)“, tako da se član 3. stav (1) tačka h) mijenja i sada glasi:

h) prodajno mjesto je prodajni objekat ili drugo mjesto van prodajnog objekta, na kojem je predviđeno i odobreno obavljanje prometa, u skladu sa zakonom i drugim propisima,

OBRAZLOŽENJE

Vlada Federacije Bosne i Hercegovine smatra da je potrebno, u cilju preciznijeg normiranja i izbjegavanja eventualnih nejasnoća prilikom implementacije i tumačenja, ispraviti tehničku grešku u članu 3. stav (1) tačka h).

AMANDMAN II

U članu 3. Prijedloga Zakona o unutrašnjoj trgovini u stavu (1) u tački j) iza riječi „određeni zakonima“ dodaju se riječi „ili odlukom nadležnog organa“, tako da se član 3. stav (1) tačka j) mijenja i sada glasi:

j) praznici su svi praznici određeni zakonima ili odlukom nadležnog organa, kojima se uređuju praznici i neradni dani, te način njihovog obilježavanja i praznovanja u Federaciji BiH,

OBRAZLOŽENJE

Vlada Federacije Bosne i Hercegovine smatra da je potrebno dopuniti član 3. stav (1), tačku j), u cilju preciznijeg tumačenja pojma praznik u smislu ovog Prijedloga Zakona, a s obzirom na činjenicu da se praznici mogu odrediti i odlukom nadležnog organa, a ne samo zakonima.

AMANDMAN III

U članu 7. Prijedloga Zakona o unutrašnjoj trgovini u stavu (2) iza riječi „diskriminacije“ dodaju se riječi „vezano za“, tako da se član 7. stav (2) mijenja i sada glasi:

Zabranjen je svaki oblik diskriminacije vezano za uslove za obavljanje trgovine ili narušavanje ravnopravnosti trgovaca na tržištu.

OBRAZLOŽENJE

Vlada Federacije Bosne i Hercegovine smatra da je potrebno dopuniti član 7. stav (2) na naprijed opisan način, s obzirom da je u pitanju tehnička greška koju je potrebno ispraviti.

AMANDMAN IV

U članu 21. Prijedloga Zakona o unutrašnjoj trgovini u stavu (1) iza riječi „fizički“ dodaju se riječi „ili vidno“, tako da se član 21. stav (1) mijenja i sada glasi:

Ako trgovac u prodajnom objektu za prodaju robe na malo ispunjava uslove po posebnom propisu da, pored trgovinske, obavlja i neku drugu djelatnost, odnosno da obezbijedi zadovoljavanje drugih potreba potrošača, prostor namijenjen toj djelatnosti mora biti fizički ili vidno odvojen od dijela prodajnog objekta namijenjenog obavljanju trgovinske djelatnosti.

OBRAZLOŽENJE

Vlada Federacije Bosne i Hercegovine smatra da je potrebno dopuniti član 21. stav (1) na naprijed opisan način, radi preciznijeg normiranja i izbjegavanja eventualnih nejasnoća prilikom tumačenja Zakona i vršenja nadzora i kontrole nad istim.

AMANDMAN V

U članu 42. Prijedloga Zakona o unutrašnjoj trgovini u stavu (1) iza riječi „kiosk“ dodaju se riječi „kao prodajni objekat,“, te iza riječi „objekat“ dodaju se riječi „u kojem se prodaje ograničen asortiman proizvoda“, tako da se član 42. stav (1) mijenja i sada glasi:

Kiosk, kao prodajni objekat, je prodajni objekat u kojem se prodaje ograničen asortiman proizvoda, koji po svojim karakteristikama omogućava ulazak i kretanje kupaca, a može biti industrijski proizveden objekat ili drugi montažni objekat, izgrađen u skladu sa urbanističkim uslovima.

OBRAZLOŽENJE

Vlada Federacije Bosne i Hercegovine smatra da je potrebno dopuniti član 42. stav (1) na naprijed opisan način, s obzirom na to da u praksi postoje dvije vrste kioska i da se u

Prijedlogu Zakona kiosk definiše i kao prodajni objekat i kao prodajno mjesto, u cilju jasnijeg normiranja i usklađivanja odredbi.

AMANDMAN VI

U članu 46. Prijedloga Zakona o unutrašnjoj trgovini iza riječi „kiosk“ dodaju se riječi „kao prodajno mjesto,“, tako da se član 46. mijenja i sada glasi:

Kiosk, kao prodajno mjesto, je prodajno mjesto u kojem se prodaje ograničen asortiman proizvoda, i to kroz odgovarajući otvor na kiosku, bez ulaska kupca u kiosk.

OBRAZLOŽENJE

Vlada Federacije Bosne i Hercegovine smatra da je potrebno dopuniti član 46. na naprijed opisan način, s obzirom na to da u praksi postoje dvije vrste kioska i da se u Prijedlogu Zakona kiosk definiše i kao prodajni objekat i kao prodajno mjesto, radi jasnijeg normiranja i usklađivanja odredbi.

V. broj: 1626/2024
21.10.2024. godine
Sarajevo

